



**Broj: 01-28/23**  
**Vareš, 31.01.2023. godine**

**IZVJEŠTAJ / IZVJEŠĆE**  
*o realizaciji Programa rada Općinskog vijeća Vareš,*  
*za 2022. godinu*

Općinsko vijeće Vareš na 11. sjednici održanoj dana 29.12.2021. godine, donijelo je Program rada ovog predstavničkog tijela za 2022. godinu. Programom rada utvrđene su tematske i normativne aktivnosti Općinskog vijeća Vareš ( u daljem tekstu: Vijeće), kao i kvartalni sadržaj akata koji će se razmatrati na sjednicama Vijeća u 2022. godini s tačno utvrđenim nositeljima izrade, predlagачem i rokovima.

Programom rada za 2022. godinu utvrđeno je da će Vijeće razmatrati 71 tematsku cjelinu i donijeti 24 akta iz oblasti normativnih aktivnosti koje su u nadležnosti Vijeća ili ukupno 95 cjeline.

U izvještajnom periodu Vijeće je održalo 10 redovnih sjednica, 1 vanrednu sjednicu i 2 svečane sjednice na kojima je razmatrano ukupno 137 tački dnevnog reda (uključujući i tačku „tekuća pitanja“) ili 12 tački dnevnog reda po održanoj sjednici. Kolegij Vijeća održao je 11 sjednica.

Ukupan broj tematskih i normativnih cjelina koje je Vijeće razmatralo, a nisu bile planirane Programom rada Vijeća za 2022. godinu je 47, što znači da Vijeće razmatra i usvaja akte za koje se ukaže potreba, a iste dostavi ovlašteni predlagач ili neki drugi organ višeg nivoa vlasti.

Na protokolu Stručne službe Vijeća, protokolirana su 292 akta, zaprimljen je 151 akt, a kroz internu poštu protokolirano je 337 akata.

Nije realizovano 7 normativno-pravnih akata i to :

1. Prijedlog Odluke o utvrđivanju površina za parkiranje motornih vozila  
Nositelj izrade: Služba za prostorno uređenje i Komisija.
2. Prijedlog Odluke o davanju u zakup stanova Općine Vareš.  
Nositelj izrade: Služba za prostorno uređenje.

3. Prijedlog Odluke o izmjenama i dopunama Odluke o bezbjednosti saobraćaja na cestama (prečišćeni tekst).  
Nositelj izrade: Služba za prostorno uređenje.
4. Prijedlog Regulacionog plana „Toljenak 1“.  
Nositelj izrade: Služba za prostorno uređenje.
5. Prijedlog Odluke o provođenju Regulacionog plana „Toljenak 1“.  
Nositelj izrade: Služba za prostorno uređenje.
6. Prijedlog Odluke o izmjenama i dopunama Statuta Općine Vareš.  
Nositelj izrade: Komisija za statutarna pitanja i propise.
7. Prijedlog Odluke o objavljivanju Javnog poziva za donošenje programa kapitalnih investicija.  
Nositelj izrade: Jedinica za upravljanjem lokalnim razvojem ( JURA).

Nije realizovano 10 tematskih cjelina i to:

1. Izvještaj o radu Zdravstvenog savjeta Općine Vareš za 2022. godinu.
2. Informacija o provedenim aktivnostima u okviru projekta LIFE u 2021. godini.
3. Informacija o stanju u oblasti prevoza u lokalnom i međugradskom saobraćaju na području Općine Vareš.
4. Informacija o stanju u oblasti privrede i nezaposlenim licima koja se vode kod Biroa za zapošljavanje Vareš po kvalifikacionoj, starosnoj i polnoj strukturi.
5. Informacija JP „ŠPD ZDK“ d.o.o. Zavidovići o zdravstvenom stanju šuma, intenzitetu pošumljavanja, eksploataciji šuma, infrastrukturi, vodozaštitnim zonama kroz svoje radne aktivnosti na području općine Vareš.
6. Informacija o provedenim aktivnostima u toku 2021. godine u okviru projekta „Via Dinarica“.
7. Informacija o aktivnostima Privrednog savjeta Općine Vareš u 2021. godini.
8. Informacija o primjeni Etičkog kodeksa vijećnika u Vijeću Vareš.
9. Izvještaj o realizaciji Programa rekonstrukcije, izgradnje i obnove lokalnih cesta za 2021. godinu.
10. Informacija o provedenim aktivnostima u projektu „Dijaspora Program“ sa Fondacijom „Mozaik“.

Nositelji izrade nerealizovanih normativnih i tematskih cjelina su za pojedine cjeline dostavili razloge zbog kojih nisu realizovani, dok za neke nisu, o čemu je upoznat i Kolegij OV.

Znači da je Vijeće realizovalo Program rada za 2022. godinu sa 81,05 %, a 2021. godine taj procenat je bio 90,24 %.

U izvještajnom periodu, Vijeće je po Programu i po Zaključcima, dostavljenim prijedlozima od strane ovlaštenog predlagača ili po ukazanoj potrebi, donijelo 39 odluka (bez 1 odluke koja je vraćena ovlaštenom predlagaču na doradu i 1 odluke koja je povučena sa dnevnog reda na Vijeću), 19 rješenja, razmatralo 23 izvještaja (1 nije prihvaćen), 28 informacija i 21 drugi akt. (Prilog br. 1)

Pod tačkom „Tekuća pitanja“ Vijeće je upoznato i vodilo raspravu o 51 pitanje od toga 41 pisana akta upućenih Vijeću od strane udruženja, građana i pravnih lica.

Vijeće je na sjednicama, razmatrajući materijale u izvještajnom periodu donijelo 36 zaključaka i podnesena je 21 inicijativa. ( Prilog br. 1)

Pored održanih sjednica Vijeća, u pripremi materijala za sjednice Vijeća održavane su i sjednice radnih tijela (komisija) Vijeća, i to: 18 sjednica Komisija Vijeća, sa 63 razmatrane tačke dnevnog reda (Prilog: br.2).

Povremena radna tijela koja je imenovalo Vijeće, također su po ukazanoj potrebi održavali sjednice i izvršavala utvrđene zadatke.

Komisije Vijeća radile su u skladu s Poslovníkom o radu Vijeća i po ukazanoj potrebi.

Pored toga, bitno je istaći da je u skladu s Poslovníkom o radu Vijeća, na Vijeću postavljeno 60 vijećničkih pitanja.

U protekloj godini vijećnici su pokazali visok stepen odgovornosti pa je na svim sjednicama bio osiguran kvorum potreban za rad Vijeća. U prosjeku se prisustvo vijećnika na sjednicama kreće u procentu oko 98,50 %, što je dobar osnov za efikasan i kvalitetan rad Vijeća. Može se, također, konstatovati da se vijećnici u principu pridržavaju odredaba Poslovníka o radu Vijeća te blagovremeno vrše najavu odsustva sa sjednica Vijeća (Prilog br.4).

Stoji konstatacija da Vijeće svoj Program rada za tekuću godinu koji je izrađen po kvartalima može realizovati ako nosilac izrade, odnosno predlagači, tematske i normativne cjeline u rokovima pripreme, izrade i dostave na razmatranje i izjašnjavanje Vijeću , a rok je do 15-tog u toku mjeseca, kako bi se ispoštovale sve potrebne Poslovníčke procedure i rokovi.

S toga je potrebno da izvršna vlast sa Općinskim načelnikom kao rukovodiocem organa uprave traži odgovorniji odnos u izvršavanju obaveza prema Vijeću iz Programa rada Vijeća od strane nosilaca izrade cjelina, u skladu sa zakonima i aktima Općine, kako bi lokalna uprava u cjelini postizala bolji učinak i bila funkcionalnija za sve građane općine Vareš.

Iz svega naprijed navedenog, a u cilju jačanja uloge ovog predstavničkog organa i njegovih radnih tijela u ostvarivanju Ustavom, Zakonom i Statutom utvrđenih nadležnosti, Vijeće donosi slijedeće **Zaključke:**

1. Vijeće traži od ovlaštenog predlagača i nositelja izrade tematskih i normativnih cjelina da odgovornije pristupe obradi materijala po Programu rada i u rokovima iste dostavljaju službi Vijeća na dalje postupanje (do 15. u tekućem mjesecu).
2. Da pisanim putem upoznaju Kolegij OV o poteškoćama i razlozima kašnjenja ili nemogućnosti obrade normativnih i tematskih cjelina

3. Na Inicijative koje budu podnešene pisanim ili usmenim putem na sjednicama Vijeća, Vijeće zahtjeva očitovanje o istim od strane Općinskog načelnika ili nadležnih službi sve u skladu sa članom 105. Poslovnika o radu Vijeća, u suprotnom Vijeće će postupiti u skladu sa članom 107. Poslovnika o radu Vijeća.
4. Da se vijećnička pitanja pored usmenog izlaganja dostave i u pisanoj formi.
5. U daljem radu Vijeća skreće se pažnja svim vijećnicima i drugim pozvanim učesnicima u radu Vijeća, da se pridržavaju Etičkog kodeksa i Poslovnika o radu Vijeća, u kojem je precizirana oblast sudjelovanja u radu i ponašanju u toku sjednice Vijeća.
6. Vijeće će i u 2023. godini nastojat da održava redovne sjednice Vijeća, tražiti i pratiti realizaciju usvojenog Programa rada kao i pridržavanje svih naloženih epidemioloških mjera za vrijeme održavanja sjednica.

Ovaj Izvještaj nema finansijski prilog s obzirom da su uz angažovanje Općinskog vijeća i Općinskog načelnika isplaćene zaostale naknade vijećnicima i komisijama.

**Prilog 1.** - Pregled rada OV Vareš po sjednicama i dnevnom redu za 2022. godinu.

**Prilog 2.** - Pregled održanih sjednica stalnih radnih tijela (Komisija) OV Vareš u 2022. godini.

**Prilog 3.**- Pregled Zaključaka i Inicijativa u 2022. god.

**Prilog 4.** - Evidencija o prisustvu vijećnika/ca sjednicama OV Vareš, i o sudjelovanju u radu vijećnika/ca OV Vareš u 2022. godini.

**PREDSJEDAVAJUĆA  
OPĆINSKOG VIJEĆA**

**Mahira Brkić**